



1. Եկե՛ք աղոթենք ծնկների վրա,  
Տիրոջ հետքերով սուրբ լեռը ելնենք,  
Եկե՛ք նորոգենք սեղանը զոհի,  
Խնկաբույր կյանքն է Աստծուն  
հաճելի:

Ծնկների վրա երկինքն է  
բացվում,  
Անձրև է տեղում, օրհնություն  
իջնում,

Ծնկների վրա հավատքն է  
ծաղկում,

Լեռները փլվում, ծովերը՝  
ճեղքվում:

2. Եկե՛ք աղոթենք ծնկների վրա,  
Բացենք լուսամուտ դեպ Երուսաղեմ,  
Թշնամու դավն է՝ աղոթք  
խափանել,  
Դանիելներ են պետք, որ արթուն  
կանգնեն:

Ծնկների վրա, երբ մարդն է լռում,  
Աստված է խոսում, Հոգին է  
իջնում,

Ծնկների վրա Տերն է հայտնվում,  
Կանչում է, սրբում, օրհնում,  
նորոգում:

3. Եկե՛ք աղոթենք ծնկների վրա.  
Սուրբերի պարտքն է՝ Հոգով  
աղոթել:  
Միաբանության գաղտնիքն է միայն  
Աղբյուրը սիրո, ջերմ եղբայրության:  
Ծնկների վրա սերն է բողբոջում,  
Սրտեր միանում, վերքերը  
բուժվում,

Ծնկների վրա հպարտն է զղջում,  
Եղբորը ներում, ոտքեր լվանում:

4. Եկե՛ք աղոթենք ծնկների վրա,  
Տիրոջ բանակն է այդպես զորանում,  
Աստծո Խոսքն է մեզ միշտ  
զորացնում,

Թշնամու բերդը աղոթքն է քանդում:  
Ծնկների վրա աղոթենք Հոգով.

Փլվում են, քանդվում բերդեր  
աղոթքով,  
Ծնկների վրա չարն է պարտվում,  
Հավատքն է հաղթում՝ Տիրոջ  
անունով:

5. Եկե՛ք աղոթենք ծնկների վրա.  
Պատգամն է Տիրոջ վերջին օրերում,  
Տիրոջ աչքերը ուզում են տեսնել  
Աստծո մարդկանց՝ ծնկների վրա:

Ծնկների վրա երգենք ու գովենք,  
Ծնկների վրա Հոգով աղոթենք,  
Ծնկների վրա Սուրբ Հոգով  
լցվենք

Եվ ապրենք մի նոր սուրբ  
Պենտեկոստե: